

জবর কৈফিয়ৎ

সুন্দরী সুরসিকা সুচরিতা সেন
প্রায় দিনই অফিসেতে লেটে আসতেন।
রোজই ছিল এটা -ওটা অজুহাত নানা
পেয়েও যেতেন পার ---কারণ অজানা !

এরকম দিন দিন লেট হতে দেখে
একদিন বস তাকে বললেন ডেকে---
রাস্তায় আজও জ্যাম? নাকি আর কিছ?
মিস সেন বলে : না, না। আসলেতে পিছু
নিয়েছিল দুটো খুব হ্যান্ডসাম ছেলে....

বস কন, তাই আজো লেটে বুঝি এলে?
কিন্তু তোমাকে ওরা পিছনেতে ফলো
করেছিল, তবে কেন লেট হলো বলো?

বিপাকেতে পড়ে মিস সেন ভাবে মনে
বস খুব চটেছেন, তাই অকারণে
কথা না বাড়িয়ে বলে, ধরেছেন ঠিক।---
জানতো সে বস তার দাণ রসিক!

তাই সে রসিয়ে বলে, ছেলে দুটো, স্যার,
হাঁটছিল বড়ো ধীরে ! দোষ কি আমার ?

জববর এ কৈফিয়ৎ ! হতভম্ব বস...
ঘড়িতে তখন বাজে এগারোটা দশ!

দিগম্বর দাশগুপ্ত

